

蔚縣志序

蔚為古冀州地於明設州屬大同設衛所屬宣化

國朝因之康熙三十二年改為縣屬宣化府隸直隸保定府之布政使司星分箕尾地介

蔚縣志序

李序

雲谷萬山環拱東屏五臺北枕桑乾中帶壺流連倒馬紫荆之關縣藩其外地雖彈丸亦鎖鑰重地

朝廷之形勝邑也既為縣則分野疆域不可以不正城池山

川不可以不記文治武備土
產人物不可以不傳以及因
革之始末風俗之習尚戶口
地畝糧數之多寡尤不可不
勒爲成書使確有所據信今
而垂後不但古蹟宦遊寄遇

有所托而傳亦以地方之利
弊鄰治之爭端推諉皆可按
籍而稽其所以然此誠古今
畫疆分界之至意爲政者之
首務也蔚令王以甲榜蒞茲
士慨然以邑志爲己任集邑

中之文行兼優者襄其事採訪搜羅編次者若而人分纂者若而人參閱較訂者若而人又有監修協理而已則總裁於其間誠重之也誠慎之也乾隆二年冬邑志告成繕

寫抄本稟求削正且請余爲序余閱其本繁簡得宜不漏不支天文地理了然在目吾因之有感焉士大夫之歷厥官也不僅詳其道里廣狹山川險易土俗民情之美惡已

也於官署則當思其憂勤於
學校則當思其作養於壇壝
則當思其誠敬於武備則當
思其訓練於孝子節婦之有
關風化者則當思其鼓舞於
戶口之盈虛賦役之輕重則

當思其生聚思其省薄古人
之流芳何以不沒前官之棠
蔭何以常存異方之賢士何
以樂集邑中之甲第何以連
綿野外之桑麻何以茂盛
書之所載者皆賢令尹之精

神也則雖萑爾小邑豈非盛世之保障也哉如此則立言立德立功同歸不朽而志可以傳之于載者修志之人亦與之共傳於千載矣蔚令勉乎哉是爲序

太子少保兵部尚書兼都察院右副都御史總督直隸等處地方紫荆密雲等關隘提督軍務兼理糧餉加十二級紀錄二十二次又軍功紀錄一次李衛序



蔚縣志序

李序

六

蔚縣志序

邑有志所以脩一邑之典故資採
訪昭勸懲也蔚故冀地亦為并商
封同姓於此為代國後趙襄子并
代遂為趙地秦漢皆為代郡魏晉
以後廢置不一名號各殊明為蔚
州衛虜大同

蔚縣志序

張序

國初仍之康熙三十二年始改衛為
縣而以虜宣府蔚雖邊邑實拱衛
京華重地關隘險要北門之鎖鑰也
然蔚自建縣以來制度漸脩而邑
乘缺如凡星野疆域山川人物以
及戶口田賦風俗灾祥之類無以
信今傳後可乎哉邑令王君以名

進士任茲邑吏安其治民樂其業
者已數載乃慨然念邑乘之有闕
於吏治亟為經始其事廣咨博採
衷然成集而問序於余余披閱再
三其志星野則為尾箕仍從燕分
也其志疆域則參錯中復極詳悉
欲別州境也其志山川則攷據井

蔚縣志序

張序

二

然形勝畢呈恐彼此之混淆也其
志人物則紀載甚備恐有遺忘使
往哲之幽光不發也他如戶口四
賦則志其登下墾豁之數以昭畫
一風俗灾祥則志其好惡徵應之
常以驗異同其為卷三十有一各
從其類各紀其實秩然有條而不

奈確然有據而不誣彼都人士於
是乎有文獻之可徵矣猶憶余自
雍正乙卯閏四月脩藩

畿輔迄今四易草木既未獲因公親
至蔚邑眺覽於盤山繡水間留連
風景問往事於遺老而前此索其
志乘又茫乎未有以應遂令直屬

蔚縣志序

張序

三

一百四十餘州縣中獨蔚邑典章
文物泯泯無可稽考未嘗不嘆為
缺典而中心耿耿也今自有此志
而披圖閱籍凡所為星野疆域山
川人物以及戶口田賦風俗灾祥
之類犁然在目一開卷間無不恍
乎遇之回視夫向之茫然莫考者

不啻逕庭於是知志之為功甚偉
而王君之有造於蔚非淺鮮也抑
余因之更為王君慶且望焉我
朝自定鼎以來德化涵濡已近百年
雖山陬海澨窮遠絕徼罔不從風
向化共樂昇平是以蔚在古為用
武地而今則沙漠塵清向所謂無

蔚縣志序

張序

四

窮之門飛狐之口悉為朝宗孔道
第見五臺諸峰秀矗天表壺流諸
水映帶左右宰斯邑者日與斯民
課農桑崇學校為

聖天子錫福嘉師作股肱耳目之寄豈
不幸哉夫令之所為民之所依也
令勤宣

德意民歌詠太平治道自蒸：近古
王君誠念切蔚民事：審所重於
蔚而修舉之於以信今於以傳後
甘棠之愛不更與此志並垂不朽
乎是為序

乾隆三年歲次戊午嘉平月吉
直隸布政使吳興張鳴鈞撰

蔚縣志序

張序

五



蔚縣志序

輿地之書昉於周禮小史掌郡國之志外史掌四方之志志之由來尚矣繇唐以前著於錄者六十有三家百有六部其後鄭夾滌馬貴與之書出稱引益繁而今不可悉覩矣其存者如晨星麗天五緯獨

蔚縣志序

金序

一

出志古之士往、藉以考索

皇朝光宅區夏丕宵海隅日出罔不率

俾蔚今

天子畿輔地也往時

詔修一統志下所司徵信於郡邑遐陬

僻隅無不編葺成書以應

朝命蔚以康熙三十二年始析州置邑

一方典故附州志以傳故邑志闕如也倚氏王君來宰斯土始與邑之賢大夫士謀創就之網羅放失舊聞陳策發函以相攷訂洎成凡若干卷嗚虜君之志可謂崑而勤矣夫文章之道與政治通而邑乘史例也顧比於史則已狹而其成

也倍難史官之職簡畢是其專業而金匱之藏石室之富勾稽條母多所取資若夫一膺民社簿書期會事、牽挽著述之業轉非所急而山區下邑復無牛筐可稽掌故田野之傳聞既多劉呂壤地之流注不免陵谷然則庸俗鈔胥原無

與於文章之事其甚者蹻駁輟輟
誠不如其已也然而佳者未有不
傳千數百年已來郡國之遷移城
邑之更置何可紀極而李吉甫樂
史宋敏求潛說友之書往往猶在
人口在明則康海之武功
至今志乘家奉為圭臬

熙朝文物鼎脩乙部所儲推為名筆有
若櫟園周氏之於江寧華野郭氏
之兵江三魚陸氏之靈壽李處士
元仲之寧化今王君於政治之暇
溢其餘能以成是編簡而裁詳而
有法州邑分際瞭如掌示洵外史
鉅製也他日附土訓以詔地事將

蔚為天府之珍又豈徒備一邑之
文獻而已哉世之君子歷蔚郊而
問俗讀君之志其不與周陸諸名
流并譽得乎

乾隆四年歲次己未嘉平月吉日
分守口北道整飭宣化等處兼管
糧餉驛傳事務汝察使司僉事金

蔚縣志序

我

國家肇造區宇垓北無垠百年以來
休養生息郡邑相望蓋星居宿陳
綺錯而鱗比者莫不食德飲和並
登風俗之書歲丁巳余奉

命觀察口北左谷右雲肩背

畿輔屹

蔚縣志序

鄂序

然為北陞重鎮方欲以暇日循行
州邑周視形勢公事鞅掾未能也
適蔚令猗氏王君手輯其邑志既
脫稿請序於余夫蔚向隸晉省改
歸直屬即衛為縣哀州以益之而
仍名以蔚一令一牧並郭而居分
境而治當此世運休明凡山川風

土吏治民情冠裳文藻類而志之
其亦彪炳

國書者也斯志成而百里情形洞然
矣余嘗謂夫古君子之用世也秩
無崇卑隨其境地所歷自名山廣
浸以遠邨墟聚落雖一民一物之
區無不低徊審顧究其源流問其

升沉譽其盈虛消息匪直遊目騁
懷取快當前也亦欲舉天時地勢
人官物曲之洪纖鉅細用以開拓
其心胸浩浩落落杼柚余懷卷舒
在手然後發為駿業杼為鴻文鼓
吹郵治於以名世傳後而大異乎
俗吏之為夫豈苟焉而已哉曩余